



কেন্দ্রীয় মন্ত্রিসভা

# সহযোগী পাঁচটি ব্যাঙ্কে স্টেট ব্যাঙ্ক অফ ইন্ডিয়া'র সঙ্গে মিলিয়ে দেওয়ার সিদ্ধান্ত কেন্দ্রীয় মন্ত্রিসভার ভারতীয় স্টেট ব্যাঙ্কের সহযোগী পাঁচটি ব্যাঙ্কে স্টেট ব্যাঙ্ক অফ ইন্ডিয়া'র সঙ্গে মিলিয়ে দেওয়ার ক্ষেত্রে আর কোনও রকম বাধা রইল না

Posted On: 16 FEB 2017 11:50AM by PIB Kolkata

ভারতীয় স্টেট ব্যাঙ্কের সহযোগী পাঁচটি ব্যাঙ্কে স্টেট ব্যাঙ্ক অফ ইন্ডিয়া'র সঙ্গে মিলিয়ে দেওয়ার ক্ষেত্রে আর কোনও রকম বাধা রইল না। বুধবার স্টেট ব্যাঙ্ক অফ বিকানির অ্যান্ড জয়পুর, স্টেট ব্যাঙ্ক অফ হায়দরাবাদ, স্টেট ব্যাঙ্ক অফ মাইসোর, স্টেট ব্যাঙ্ক অফ পাতিয়ালা'র স্টেট ব্যাঙ্ক অফ ইন্ডিয়া'র মাধ্যমে অধিগ্রহণের প্রস্তাবটি অনুমোদিত হল প্রধানমন্ত্রী শ্রী নরেন্দ্র মোদী'র নেতৃত্বে অনুষ্ঠিত কেন্দ্রীয় মন্ত্রিসভার বৈঠকে।

একই সঙ্গে স্টেট ব্যাঙ্ক অফ ইন্ডিয়া (সহযোগী ব্যাঙ্ক) আইন, ১৯৫৯ এবং স্টেট ব্যাঙ্ক অফ হায়দরাবাদ আইন, ১৯৫৬ বাতিল বলে ঘোষণা করার জন্য সংসদে একটি বিল আনার প্রস্তাবেও সম্মতি দিল কেন্দ্রীয় মন্ত্রিসভা।

স্টেট ব্যাঙ্ক অফ ইন্ডিয়া'র সঙ্গে অন্য পাঁচটি সহযোগী ব্যাঙ্কে মিলিয়ে দেওয়ার ফলে প্রথম বছরে ১ হাজার কোটি টাকার মতো সাশ্রয় হবে বলে মনে করা হচ্ছে। কারণ, ব্যাঙ্কগুলি একত্রে স্টেট ব্যাঙ্ক অফ ইন্ডিয়া'র পরিচালন ও ব্যবস্থাপনার আওতায় চলে আসার ফলে একদিকে যেমন প্রাতিষ্ঠানিক ব্যয় হ্রাস পাবে, অন্যদিকে তেমনই ব্যাঙ্কের সামগ্রিক কাজকর্ম ও পরিষেবার ক্ষেত্রেও দক্ষতা বৃদ্ধি ঘটবে।

রাষ্ট্রায়ত্ত্ব ব্যাঙ্কগুলিকে একে অপরের সাথে মিলিয়ে দেওয়ার ফলে সামগ্রিকভাবে ব্যাঙ্কিং ক্ষেত্রটি আরও শক্তিশালী হয়ে উঠবে বলে আশা করা হচ্ছে। সেই অর্থে মন্ত্রিসভার গতকালের সিদ্ধান্ত দেশের অর্থনৈতিক কর্মপ্রচেষ্টার ক্ষেত্রে নিঃসন্দেহে এক গুরুত্বপূর্ণ পদক্ষেপ।

(Release ID: 1482926) Visitor Counter : 3

## Background release reference

স্টেট ব্যাঙ্ক অফ বিকানির অ্যান্ড জয়পুর, স্টেট ব্যাঙ্ক অফ হায়দরাবাদ, স্টেট ব্যাঙ্ক অফ মাইসোর, স্টেট ব্যাঙ্ক অফ পাতিয়ালা'র স্টেট ব্যাঙ্ক অফ ইন্ডিয়া'র মাধ্যমে অধিগ্রহণের প্রস্তাবটি অনুমোদিত হল প্রধানমন্ত্রী শ্রী নরেন্দ্র মোদী'র নেতৃত্বে অনুষ্ঠিত কেন্দ্রীয় মন্ত্রিসভার বৈঠকে।

